

RR311356

OPĆINSKI SUD SANSKI MOST

Broj: R:414/97

Datum: 02.07.1997. godine

Općinski sud u Sanskom Mostu po sudiji Ridošić Edini u pravnoj stvari predlagateljice Mauzner Mire iz S. Mosta, radi utvrđivanja smrti muža Mauzner Ventislava, nakon održanog i zaključnog vanparničnog postupka 30.06.1997. donio je slijedeće.

R J E Š E N J E

Utvrđuje se smrt MAUZNER VENTISLAVA, sina Dragutina i majke Štefice r. Marjan, rođen 23.02.1957. godine u S. Mostu a koji je umro 07.07.1992. godine na putu od logora "Manjača" do Sanskog Mosta.

Na osnovu ovog rješenja Matični ured će izvršiti upis u matičnu knjigu mrtvih.

Rješenje je pravosnažno danom donošenja.

O b r a z l o ž e n j e .

Predlagateljica Mauzner Mira, kći Dušana iz S. Mosta podnijela je ovom sudu kao stvarno i mjesno nadležnom prijedlog da isti u vanparničnom postupku utvrdi smrt njenog muža Mauzner Ventislava kojeg su dana 07.07.1992. godine ubili četnici na putu od logora "Manjača" prema S. Mostu. Predlagateljica navodi da je njen suprug odveden od kuće 03.07.1992. godine u logor "Betonirka" a zatim kamionom je sa ostalim zarobljenim Muslimanima i Hrvatima odvezen do logora "Manjača". Pred kapijom logora "Manjača" Ventislav je viđen živ i da su ga četnici ponovo vratili u kamion u kojem su se nalazili pogušeni zarobljenici a koje logor nije htio primiti. Tada su četnici vratili Ventislava i još jednog čovjeka u kamion koji se vratio u S. Most, a ljudi koji su bili u njemu nikad više nisu nađeni ni živi ni mrtvi, a pošto je proteklo već pet godina od tada može se osnovano sumnjati da je i Ventislav ubijen i zakopan sa ostalim za sada nepoznatom mjestu. Predlagateljica predložila da se kao svjedok sasluša Mauzner Dragutin, ističući da ima pravni interes za utvrđivanje smrti muža radi ostvarivanja porodičnih prava.

Sud je rješenjem usvojio prijedlog predlagateljice kao osnovan i prveo dokazni postupak uvidom u Izvod iz matične knjige rođenih za Mauzner Ventislava saslušanjem predlagateljice i Mauzner Dragutina, oca Ventislava. Na osnovu izvedenih dokaza i činjenice da je proteklo pet godina od dana kada je Ventislav zadnji put vičen živ i da se niko od ljudi koji su se nalazili u kamionu kojim su prevoženi u logor "Manjača" ikojém je više ljudi umrlo gušenjem, a oni koji su još bili živi, odnosno pokazivali znakove života četnici su ubili, a među kojima je bio i Mauzner Ventislav, sud je stekao uvjerenje da je i Mauzner Ventislav tada ubijen na osnovu čega je donio odluku kao u izreci ovog rješenja, a u skladu sa Zakonom o vanparničnom postupku.

Budući da se predlagateljica odrekla prava žalbe rješenje je pravosnažno danom donošenja.

Predlagateljica je oslobođena plaćanja sudske takse kao član porodice odnosno supruge civilne žrtve rata, a u skladu sa čl. 10. Zakona o sudskim taksama /"Sl. list Općinsko-sanskog kantona" br. 3/97/.

S U D J I N J A

Ridošić Edina
Ridošić Edina